



14

**Tiga pegawai
Mara Corp
akan dituduh
dalam masa
terdekat
- Azam Baki**

Kertas siasatan kes 3 pegawai Mara Corp diserah kepada AGC

JOHOR BAHRU - Suruhanjaya Pencegahan Rasuah Malaysia (SPRM) telah melengkap dan menyerahkan kertas siasatan kes tiga pegawai Mara Corporation Sdn Bhd (Mara Corp) yang terlibat salah guna kuasa serta salah urus syarikat kepada Jabatan Peguam Negara (AGC).

Ketua Pesuruhjayaannya, Tan Sri Azam Baki berkata, pihaknya yakin ketiga-tiga suspek berkenaan akan dituduh di mahkamah dalam masa terdekat.

"Kita telah melengkapkan siasatan mengenai dakwaan salah guna kuasa dan salah urus Mara Corp dan telah kemukakan kepada AGC se-

belum ini. Jadi, kita akan tunggu keputusannya tidak lama lagi.

"Saya percaya keputusannya nanti akan berakhir dengan pertuduhan kepada pihak yang kita cadangkan. Yang terbabit itu tiga orang, namun kita serahkan kepada AGC untuk menghalusinya lagi sama ada tiga dipertuduhkan atau sebahagian daripadanya," jelasnya.

Beliau berkata demikian dalam sidang akhbar selepas menyempurnakan Majlis Perbarisan Tamat Latihan Khusus Asas Pegawai SPRM Siri 25 Bilangan 1/2021 (Penolong Penguasa Gred P29) di padang kawad, Kompleks SPRM Johor di sini pada Khamis.

Hadir sama Timbalan Ketua Pesuruhjaya (Operasi), Datuk

Seri Ahmad Khusairi Yahaya; Timbalan Ketua Pesuruhjaya (Pencegahan), Datuk Seri Norazlan Mohd Razali dan Timbalan Ketua Pesuruhjaya (Pengurusan dan Profesionalisme), Datuk Junipah Wandi.

Azam sebelum ini dilaporkan berkata, setakat ini hanya lima pegawai kanan agensi di bawah Kementerian Pembangunan Luar Bandar (KPLB) itu dipanggil untuk dirakam keterangan.

Isu itu terbongkar apabila tular dalam media sosial sepuak surat permohonan untuk melakukan siasatan terhadap lima pegawai tinggi Mara.

Sementara itu, Azam berkata, SPRM sedia mewujudkan platform atau model untuk Ahli



Azam (tengah) semasa sidang akhbar selepas menyempurnakan Majlis Perbarisan Tamat Latihan Khusus Asas Pegawai SPRM Siri 25 di padang kawad, Kompleks SPRM Johor, pada Khamis.

Dewan Undangan Negeri (ADUN) Johor yang baru melakukan pengisytiharan harta dalam masa terdekat.

Beliau memberitahu, platform berkenaan adalah me-

nyamai panduan pengisytiharan harta di peringkat Parlimen.

"Platform berkenaan lebih sistematis berbanding ADUN melakukan pengisytiharan harta secara berasingan," ujarnya.